



SIARAN MEDIA

LAWATAN KERJA YB MENTERI PERTANIAN DAN KETERJAMINAN MAKANAN (KPKM) KE PROJEK TANAMAN PADI SKIM SUNGAI BULUH, JELEBU, NEGERI SEMBILAN

Jelebu, 2 September 2025 – Skim Padi Triang Ilir, Kampung Sungai Buloh, Mukim Triang Ilir, Jelebu, Negeri Sembilan merupakan salah satu lokasi lawatan kerja YB Menteri Pertanian dan Keterjaminan Makanan ke Jelebu, Negeri Sembilan.

Visi pembangunan daerah ini adalah “Jelebu Daerah Biodiversiti: Daerah Mampan, Berdaya Maju dan Sejahtera” menjelang 2035, seperti yang digariskan dalam PLANMalaysia. Sektor pertanian menjadi elemen ketiga dalam fokus pembangunan daerah dengan melibatkan 40.50% daripada keseluruhan keluasan Jelebu.

Bagi Skim Padi Triang Ilir, seramai 107 peserta terlibat dengan keluasan sawah berdaftar 201.90 hektar, manakala 194.26 hektar daripadanya ditanam. Pada tahun 2024, skim ini telah mencatatkan hasil purata sebanyak 4,149 kilogram per hektar. Bagi tahun 2025, kawasan ini menerima insentif berjumlah RM1 juta di bawah program Insentif Pelestarian Sawah Nogori.

Secara keseluruhan, Negeri Sembilan menerima peruntukan berjumlah RM19.03 juta daripada Kementerian Pertanian dan Keterjaminan Makanan pada tahun 2025. Dana ini disalurkan melalui kerajaan negeri serta jabatan dan agensi berkaitan bagi menyokong pembangunan sektor pertanian negeri seperti perincian di bawah:

Sektor	Nilai Insentif (RM)
Tanaman	14,080,000.00
Ternakan	1,850,000.00
Ternakan	1,500,000.00
Agropelancongan	1,000,000.00

Sektor	Nilai Insentif (RM)
Pembangunan Kapasiti Usahawan	600,000.00
Jumlah Keseluruhan	19,030,000.00

Turut hadir Yang Dipertua Dewan Undangan Negeri, YB Dato' M K Ibrahim bin Abd Rahman; Exco Kanan Kerajaan Negeri merangkap Pengerusi Jawatankuasa Bertindak Pertanian, Keterjaminan Makanan dan Kos Sara Hidup, YB Datuk Seri Jalaluddin bin Alias; ADUN Klawang, YB Dato' Ir. Haji Bakri bin Sawir dan YBhg. Dato' Nor Sam binti Alwi, Ketua Pengarah Pertanian.

###

JABATAN PERTANIAN
KEMENTERIAN PERTANIAN DAN KETERJAMINAN MAKANAN (KPKM)

Unit Komunikasi Korporat | Jabatan Pertanian
 Tel : 03-8870 3102 / 3042 / 3038 / 3050 E-mel : pro@doa.gov.my Faks : 03-8888 3044




 @mydoaHQ
  @myDOA_HQ
  @tvperanian
 


 @mydoa_hq